

BiH mora ispravno i adekvatno financirati općinske izbore

Upravni odbor ambasadora Vijeća za provedbu mira pohvalio je Izorno povjerenstvo BiH za početak priprema za Općinske izbore, te pozvao sve odgovorne institucije vlasti u BiH – od onih na općinskoj razini do državnih institucija – da osiguraju potrebnu organizacijsku i finansijsku pomoć kako bi se omogućilo uspješno i neometano održavanje općinskih izbora naredne godine. Općinski izbori 2004. godine bit će prvi izbori potpuno organizirani i financirani od strane domaćih tijela vlasti.

Organizacija Općih izbora 2002. godine predstavljala je veliki uspjeh za demokratske institucije Bosne i Hercegovine. To su bili prvi izbori koje su bosanskohercegovačke vlasti same organizirale i provele; i tu su ulogu odigrale s kompetentnošću i profesionalizmom koji zaslužuju svaku pohvalu. Općinski izbori 2004. godine oslanjaju se na uspjeh izbora iz 2002. godine, koji su dokazali da je Bosna i Hercegovina odlučna u opredjeljenju da postane potpuno samostalna i održiva demokratska zemlja.

Upravni odbor ambasadora posebno je istakao činjenicu da bosanskohercegovačke vlasti moraju osigurati odgovarajuća finansijska sredstva za izbore. Organiziranje i održavanje slobodnih i pravednih izbora vrlo je skup poduhvat. Stoga su oni pozvali sva relevantna tijela i razine vlasti da u svojim predloženim nacrtima proračuna za 2004. godinu, koji su trenutno u fazi pripreme, obvezno uzmu u obzir i uvrste procijenjene troškove održavanja izbora.

Općinski izbori bit će održani za nešto manje od godinu dana. Kako bi ovi izbori bili uspješni potrebna je aktivna i stalna potpora svih relevantnih tijela vlasti, i to od ovog trenutka

pa do samog dana izbora.